

**REGLUGERÐ RÁÐSINS (EB) nr. 1428/96**

frá 26. júní 1996

**um breytingu á reglugerð (EBE) nr. 2332/92 um freyðivín sem er framleitt í bandalaginu(\*)****RÁÐ EVRÓPUSAMBANDSINS HEFUR,**

með hliðsjón af stofnsáttmála Evrópubandalagsins, einkum 43. gr.,

með hliðsjón af tillögu framkvæmdastjórnarinnar <sup>(1)</sup>,

með hliðsjón af álitum Evrópuþingsins <sup>(2)</sup>,

með hliðsjón af álitum efnahags- og félagsmálanefndarinnar <sup>(3)</sup>,

og að teknu tilliti til eftirfarandi:

Til að greiða fyrir eftirliti og með hliðsjón af erfiðleikum sem hafa orðið við framkvæmdir fram til þessa er rétt að mæla fyrir um aðferð við að reikna út aukningu alkóhólstyrkleika í vínögun (cuvée) þegar tirage-líkjör er bætt út í.

Samkvæmt 2. mgr. 14. gr. reglugerðar (EBE) nr. 2332/92 <sup>(4)</sup> er aðildarríki heimilt, til 31. desember 1995 í síðasta lagi, að leyfa að gæðafreyðivín sem framleidd eru í tilgreindum héruðum (gæðavín fth) séu framleidd með því að bæta í vínögunina (cuvée) einni eða fleiri tegundum vínafrúna sem eru ekki upprunnar í tilgreinda héraðinu sem vínið dregur nafn sitt af. Sá tími hefur reynst of naumur til þess að aðilar í tilteknum héruðum hefðu ráðrúm til að laga sig að þeim tæknilegu kröfum sem mælt er fyrir um. Því er rétt að lengja þennan tíma. Þar eð þessi undantekning á aðeins við um tiltekin tilvik er rétt að sjá til þess að heiti þeirra gæðafreyðivína fth sem um er að ræða verði skráð og birt í C-deild *Stjórnartíðinda Evrópubandalaganna*.

Í samræmi við 3. mgr. 17. gr. reglugerðar (EBE) nr. 2332/92 getur ráðið breytt á vísindalegum grunni og í ljósi tæknilegrar þróunar, hversu lengi gerjun, sem gerir vínögunina (cuvée) freyðandi, skal standa yfir og hversu lengi vínögunin er látin liggja með dreggjunum sem greint er frá í 2. mgr. sömu greinar.

(\*) Þessi EB-gerð, sem birtist í Stjttíð. EB nr. L 184, 24. 7. 1996, bls. 7, var nefnd í ákvörðun sameiginlegu EES-nefndarinnar nr. 102/97 frá 15. desember 1997 um breytingu á bókun 47 við EES-samninginn um afnám tæknilegra hindrana í viðskiptum með vín við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjttíð. EB nr. C 74, 14. 3. 1996, bls. 14.

(2) Álit var skilað 21. júní 1996. (Stjttíð. EB nr. C 198, 8. 7. 1996).

(3) Álit var skilað 24. apríl 1996 (Stjttíð. EB nr. C 204, 15. 7. 1996).

(4) Stjttíð. EB nr. L 231, 13. 8. 1992, bls. 1. Reglugerðunum var síðast breytt með reglugerð (EB) nr. 1547/95 (Stjttíð. EB nr. L 148, 30. 6. 1995, bls. 15).

Að fenginni reynslu af ólíkum tegundum freyðivína og með tilliti til vísindarannsókna og tækniþróunar til þessa er ekki réttlætlanlegt að kveða á um mismunandi lengd gerjunartíma og tímans, sem vínögunin (cuvée) liggur með dreggjunum, eftir gerjunaraðferðum, nema þegar um er að ræða gerjun sem fer fram í flátum með hræripinum. Því er aðeins þörf á að fjalla um þá aðferð sérstaklega.

**SAMÞYKKT REGLUGERÐ ÞESSA:****1. gr.**

Reglugerð (EBE) nr. 2332/92 er hér með breytt sem hér segir:

1. Í stað annarrar undirgreinar 2. mgr. 4. gr. komi eftirfarandi:

„Íblöndun tirage-líkjörs má ekki verða til þess að raunverulegur alkóhólstyrkleiki vínögunarinnar (cuvée) aukist um meira en 1,5% miðað við rúmmál. Aukninguna á að mæla þannig að reiknaður er út munurinn á alkóhólstyrkleika vínögunarinnar (cuvée) miðað við rúmmál og heildaralkóhólstyrkleika freyðivínsins miðað við rúmmál, áður en nokkrum expedition-líkjör er bætt við það.“

2. Í stað 9. gr. komi eftirfarandi:

„9. gr.

Í tirage-líkjörum, sem eru notaðir í freyðivín, má einungis vera eftirfarandi:

- þrúgulögur,
- þrúgulögur í gerjun,
- þrúgularþykkni,
- hreinsað þrúgularþykkni, eða
- súkrósi og vín“.

3. Í 2. mgr. 14. gr.:
- a) komi eftirfarandi í stað inngangsorðanna:
- „2. Þrátt fyrir fyrsta undirlið 1. mgr. og með fyrirvara um 18. gr. er aðildarríki, sem er framleiðsluríki, heimilt, til 31. ágúst 2003 í síðasta lagi, að fengnum sérstökum leyfum og að tilskildu viðeigandi eftirliti, að leyfa að gæðafreyðivín fth séu framleidd með því að bæta í grunnaferðina einni eða fleiri tegundum vínaferða sem eru ekki upprunnar í tilgreinda héraðinu sem vínið dregur nafn sitt af, að því tilskildu að:“
- b) Eftirfarandi undirgrein bætist við:
- „Undanþágunni sem um getur í fyrstu undirgrein má beita að því tilskildu að gert hafi verið ráð fyrir slíku fyrirkomulagi fyrir 31. desember 1995 í ákvæðum hlutaðeigandi aðildarríkis, sem er framleiðsluríki.
- Aðildarríkin skulu vinna skrá um heiti gæðafreyðivína fth sem þessi málsgrein tekur til og senda hana framkvæmda-stjórninni sem birtir hana í C-deild *Stjórnartíðinda Evrópubandalaganna*.“
4. Í stað 1. mgr. 15. gr. komi eftirfarandi:
1. Í *tirage*-líkjörum, sem eru notaðir í gæðafreyðivín, má einungis vera eftirfarandi:
- súkrósi,
  - þrúgulagarþykkni,
  - hreinsað þrúgulagarþykkni,
- og
- þrúgulögur eða þrúgulögur í gerjun sem hægt er að gera úr vín sem gefur af sér borðvín,
  - vín til framleiðslu borðvíns,
  - borðvín,
  - eða
  - gæðavín fth.
- Í *tirage*-líkjörum, sem eru notaðir í gæðafreyðivín, má einungis vera eftirfarandi:
- súkrósi,
  - þrúgulagarþykkni,
  - hreinsað þrúgulagarþykkni,
- og
- þrúgulögur,
  - þrúgulögur í gerjun,
  - vín,
  - gæðavín fth
- sem hentar til framleiðslu á sama gæðafreyðivíni fth og því sem á að bæta *tirage*-líkjörum í.“
5. Í 17. gr.:
- a) komi eftirfarandi í stað 2. mgr.:
- „2. Gerjunartími, sem á að gera vínlögunina (cuvée) freyðandi og sá tími sem það liggur með dreggjunum, skal ekki vera skemmri en sem hér segir:
- 90 dagar,
  - 30 dagar ef gerjunin fer fram í flátum með hræripinum.“
- b) falli 3. mgr. niður.
- 2. gr.**
- Reglugerð þessi öðlast gildi á sjöunda degi eftir að hún birtist í *Stjórnartíðindum Evrópubandalaganna*.
- a) Ákvæði a-liðar 3. mgr. 1. gr. öðlast gildi 1. janúar 1996.
  - b) Ákvæði 2. og 4. mgr. 1. gr. öðlast gildi 1. september 1996.
  - c) Ákvæði a-liður 5. mgr. 1. gr. öðlast gildi 1. september 1997.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Lúxemborg 26. júní 1996.

Fyrir hönd ráðsins,

**M. PINTO**

forseti.